

Aðalfundur Samtaka orkusveitarfélaga

Haldinn 9. október 2024 kl. 13:00 í fundarsal Vox Club á 1. hæð Hilton Reykjavík Nordica

Fundur settur og starfsmenn fundarins kjörnir

Ása Valdís Árnadóttir formaður samtakanna, setti fundinn og bauð fundarfólk velkomið. Lagði hún til að Jónína Brynjólfssdóttir yrði fundarstjóri og Gréta Mar Jósépsdóttir fundarritari.

Samþykkt samhljóða.

1. Inntaka nýrra sveitarfélaga

Tekin var fyrir beiðni Reykhólahrepps um að fá aðild að Samtökum orkusveitarfélaga.

Samþykkt samhljóða.

Tekin var fyrir beiðni Skorradalshrepps um að fá aðild að Samtökum orkusveitarfélaga.

Samþykkt samhljóða.

Tekin var fyrir beiðni Kjósarhrepps um að fá aðild að Samtökum orkusveitarfélag.

Samþykkt samhljóða.

2. Skýrsla stjórnar

Stjórn Samtaka orkusveitarfélaga hélt 23 fundi á starfstímabilinu og bættust 2 sveitarfélög við hópinn á aðalfundi samtakanna 2022 og urðu þau því samtals 20 á tímabilinu.

Stærstu verkefni tímabilsins voru:

- Vinna við stefnumörkun og starfsáætlun stjórnar sem unnin var með aðildarsveitarfélögunum.
- Stofnuð starfsnefnd um breytingar á tekjum og lagaumhverfi vegna orkuvinnslu sem fundaði með aðildarsveitarfélögunum og lagði fram tillögur sem samþykktar voru að auka aðalfundum samtakanna.
- Vinna með starfshópi um vindorku og starfshópi um skattalegt umhverfi orkuvinnslu.
- Stjórn hefur fundað með ráðherrum, Sambandi íslenskra sveitarfélaga, skilað inn umsögnum og haldið Orkufund 2023.
- Stjórn fór í fræðsluferð á Austurland í maí 2024.
- Stjórn barst svarbréf frá ESA vegna skattaívilnunar til raforkufyrirtækja í febrúar 2023 og kom fram í svarbréfinu að ESA hyggst ekki gera neitt „að svo stöddu“. Að mati Jóns Jónssonar lögmanni hjá lögmannstofunni Sókn og lögmanni samtakanna í þessu máli væri mögulega hægt að opna málið hjá ESA síðar meir ef fram kæmu nýjar upplýsingar sem gætu haft áhrif á málið.

Í máli formanns kom fram að verkefnin hafi verið næg á tímabilinu og að tekið hafi verið eftir baráttu samtakanna. Stjórnin vann með hagsmuni orkusveitarfélaganna að leiðarljósi og er litið til samtakanna í dag þegar fjallað er um orkumál, Formaður lagði áherslu á að samtökin séu þó langt í frá komin á þann stað sem samtökin vilja vera á. Margt á eftir að skýrast í skattlagningunni og vindorkumálum. Samtökin eiga einnig eftir að vinna áfram með fleiri mál í starfsáætluninni, má þar nefna afnema dreifbýlisgjald og jafna þar með raforkuverð og skoða skattlagningu flutningskerfis. Það eru því ærin verkefni fram undan.

Að lokum þakkaði formaður, fyrir hönd stjórnar, starfsnefndum samtakanna, starfsfólki samtakanna, starfsfólki Sambandsins, stjórnarmönnum og öðrum þeim sem lagt hafa samtökunum lið á starfstímabilinu. Það er mat aðildarsveitarfélaganna að nærsamfélag á ekki og getur ekki fórnað sinni náttúru og auðlindum án þess að njóta sanngjarns ávinnings af orkuframleiðslunni.

3. Ársreikningar samtakanna 2022 og 2023

Árni Eiríksson, gjaldkeri, fór yfir ársreikninga samtakanna fyrir árin 2022 og 2023.

Ársreikningar samþykktir samhljóða.

4. Fjárhagsáætlun samtakanna

Ása Valdís Árnadóttir fór yfir fjárhagsáætlun samtakanna fyrir árin 2025-2026.

Fjárhagsáætlun samþykkt samhljóða.

5. Ákvörðun um árgjald og þóknun stjórnar

Stjórnin lagði til að árgjöld verði með eftirfarandi hætti:

- að gjaldið verði 150.000 kr. hjá þeim sveitarfélögum með innan við 1.001 íbúa
- að gjaldið verði 250.000 kr. hjá þeim sveitarfélögum með 1.001 - 3.000 íbúa
- að gjaldið verði 350.000 kr. hjá þeim sveitarfélögum með 3.001 - 5.000 íbúa
- að gjaldið verði 550.000 kr. hjá þeim sveitarfélögum með fleiri en 5.000 íbúa.

Lagt var til að þóknun stjórnar breytist úr því að vera krónutala í að vera tengd þingfarakaupi líkt og gert er t.d. hjá Sambandi íslenskra sveitarfélaga.

Tillaga er um að þóknunin verði: 2% af þingfarakaupi á hvern fund fyrir almennan stjórnarmann (aðal- og varamann) – 30.516.- kr. 3,5% af þingfarakaupi á hvern fund fyrir formann – 53.404.- kr.

Ákvörðun um árgjald og þóknun stjórnar voru samþykkt samhljóða.

6. Kosning formanns stjórnar, aðra stjórnarmenn og varastjórn til tveggja ára

Grétar Ingi Erlendsson, formaður starfshóps sem hafði það hlutverk að koma með tillögu að nýrri stjórn, kom upp og gerði grein fyrir tillögunni sem hljóðaði svo:

Aðalstjórn:

Ása Valdís Árnadóttir, Grímsnes- og Grafningshreppur – Formaður

Haraldur Þór Jónsson, Skeiða- og Gnúpverjahreppur

Guðmundur Haukur Jakobsson, Húnabyggð

Jónína Brynjólfsdóttir, Múlaþing

Knútur Emil Jónasson, Þingeyjarsveit

Varastjórn:

Kristinn Andersen, Hafnarfjarðarbær

Kjartan Benediktsson, Fljótsdalshreppur

Guðný Birna Guðmundsdóttir, Reykjanesbær

Fundarstjóri byrjaði á því að kjósa formann og var Ása Valdís Árnadóttir kjörin formaður með öllum greiddum atkvæðum. Að því loknu óskaði Katrín Sigurjónsdóttir, sveitarstjóri Norðurþings, eftir stuttu fundarhléi og varð fundarstjóri við því.

Fundur hófst að nýju og voru góðar umræður um tillöguna og mikilvægi þess að gera breytingar á samþykktum til að ferlið í kringum kjör á nýrri stjórn sé skýrt. Jafnframt bauð Ísleifur Jónasson, oddviti Ásahrepps, sig fram í aðalstjórn á fundinum.

Fundarstjóri lagði svo til leynilega atkvæðagreiðslu í aðalstjórn þar sem allir atkvæðisbærir fundarmenn myndu kjósa fjóra einstaklinga í aðalstjórn. Niðurstaða þeirrar kosningar var eftirfarandi:

Haraldur Þór Jónsson, Skeiða- og Gnúpverjahreppur – hlaut 10 atkvæði

Guðmundur Haukur Jakobsson, Húnabyggð – hlaut 15 atkvæði

Jónína Brynjólfsdóttir, Múlaþing - hlaut 16 atkvæði

Knútur Emil Jónasson, Þingeyjarsveit – hlaut 11 atkvæði

Ísleifur Jónasson, Ásahrepp – hlaut 12 atkvæði.

Rétt kjörnir aðalfulltrúar í stjórn Samtaka orkusveitarfélaga 2024-2026 eru því Guðmundur Haukur Jakobsson, Jónína Brynjólfsdóttir, Knútur Emil Jónasson og Ísleifur Jónasson. Auku Ásu Valdísar Árnadóttur sem búið var að kjósa sem formann.

Fundarstjóri lagði svo fram tillögu að Kristni Andersen, Kjartani Benediktssyni og Guðnýju Birnu Guðmundsdóttur í varastjórn.

Var sú tillaga samþykkt samhljóða.

7. Kosning tveggja skoðunarmanna

Lagt var til að skoðunarmenn reikninga yrðu Jón G. Valgeirsson sveitarstjóri Rangárpings ytra og Jóhannes Á. Jóhannesson sérfræðingur á þróunarsviði Sambands íslenskra sveitarfélaga.

Tillögur um skoðunarmenn samþykktar samhljóða.

8. Önnur mál

Ása Valdís fór yfir bókun stjórnar SO vegna samráðs SSKS og SO
Ása Valdís Árnadóttir flutti lokaorð og þakkaði fundarmönnum fyrir komuna.

Fundi slitið kl.: 14:15